

卜筮全書

卜筮全書卷之六

天玄賦

上

混沌之初。茫然未判。始因盤古立太極。而分兩儀。爰及伏羲定陰陽。而畫八卦。周室文王演易。魯邦孔子繫辭。察飛伏於八八六十四卦之中。定吉凶於三百八十四爻之內。包羅天地。可知物外。夤緣道合。乾坤何況人間禍福。

○總論提綱

吾人問卜。必因動靜吉凶。學者推占。要識淺深高下。

秘旨雖傳于人口。奧妙實出乎天然。事有萬殊。理無二致。須識靜中有動。當明吉處藏凶。靜者動之機。吉者凶之本。如逢卦靜。專尋暗動。及空亡。若見爻興。便察吉凶。分造化。諸爻並吉。更防吉處藏凶。大衆皆凶。須識凶中有吉。若逢亂動。先觀用爻。用爻有彼我之分。得失從衰旺而決。六爻上下。吉凶全係乎日辰。一卦中間。主宰莫逃乎世應。細察生旺墓絕。精詳尅害刑衝。吉凶繇此而分。禍福從茲而定。貴人乘祿馬。縱非吉慶也。無凶。天喜會青龍。雖遇悲哀。終有喜。白虎

動本非佳况。惟孕育及作吉神。子孫興。總曰禎祥。問功名。偏爲惡客。官鬼不宜持世。求名婚娶。兩相宜。妻財俱喜扶身。父母文書偏畏忌。玄武陰私兼失脫。騰蛇怪異及虛驚。朱雀本主官非。仕宦當生喜美。勾陳職專田土。行人終見遲留。

○身命章

凡占身命。先察用爻。

造化生物之初。先有人身而後有萬物。故首章先言身命。未可便將卦名妄斷。剖決高低。必須參究用爻動靜興衰。刑衝尅害。及空亡等象。取其端的。方可決吉凶禍福。貴賤賢愚。伯子公侯。從茲定矣。

刑尅害衝斷一生之得失。

刑者三刑子刑卯卯刑子寅刑巳巳寅申申刑寅  
丑刑戌戌刑未未刑丑辰午酉亥自刑巳上所  
刑者爲陰陽反德凡占有日辰刑動爻刑若刑父  
母則雙親損刑財爻則妻妾傷骨肉逢刑無不傷  
殘却看有何限中便知何年刑尅其餘倣此推詳  
尅者陰陽不相和故相尅也凡遇財福吉神尅我  
仍吉鬼殺凶神尅我大凶害者穿心六害也乃恩  
未結怨已生也子衝午午合未是謂子未六害寅  
衝申申合巳是謂寅巳六害卯衝酉酉合辰是謂  
卯辰六害餘皆倣此六害見之骨肉情疎六親分  
薄大妻不協子息難招衝者子午卯酉辰戌丑未  
寅申巳亥對衝是也有年月衝日辰衝世應衝凡  
財福逢衝則凶鬼殺逢衝則吉爻雖安靜見衝則  
爲暗動動爻遇衝則散空亡遇衝則不空衝則動  
動則戰戰則爭矣

興衰動靜決三限之榮枯

有大象旺衰有爻象旺衰凡十身命得大象旺亦  
是好處稱是壯實根基更得爻象吉利乃十全之  
造化大抵卦旺不如爻旺人之根源係于卦不係  
于爻命之吉凶在乎爻不在乎象更看動靜吉凶  
三限榮枯實決于此

遇財福則富貴榮華

妻財子孫者雖為吉神若遇旺相有氣或帶貴人  
并進神臨于卦中得地之處却來生合世爻貴則  
加官進祿富則發福生財更得日辰月建青龍同  
位乃大發大旺縱臨騰蛇白虎亦不為凶小有盤  
折不能傷害大體但怕衝破并受剋方為無用凡  
占須看立于何限中便知何時發達若臨正卦外  
三爻支卦內三爻稱為得地臨于正卦內三爻  
名為落陷若在支卦外三爻稱為晚景之福

遇兄鬼則貧窮破敗。

兄弟官鬼二者皆非吉神。卦中若遇兄弟發動。爭訟是非。分門割戶。或破耗資財。或生涯冷淡。皆因此也。官鬼主疾病患難。加朱雀官符。有口舌官災。加玄武天賊。有逃亡失脫。加白虎喪門。主喪亡孝服。凡占遇之。無氣不動。猶可。旺相發動。最凶。若衝散受剋。及落空亡。此等限中。以平為福。若正卦外三爻支卦內三爻遇之。最不為佳。正當成立之時。遭此凶惡之輩。安有發福之象。若在蚤歲。顛沛災連。或當暮年。終無結果。

世是平生之本。應為百歲之妻。

人生一世。貴賤高低。合為何等人物。但將世爻為主。若得天貴祿馬並立。又有吉神生扶。無凶殺衝。尅乃富貴根基。清高品格。若與凶殺併立。或被忌殺刑衝。別無吉神解救。乃貧賤之徵。無成之兆。若

逢世空。最爲不美。當有大難。惟有九流術士之人。  
及僧道之輩。反爲吉兆。是空手求財。財去財來。終  
無積聚。世應二爻。乃一卦之主。凡占以世爲已。應  
爲妻。若與青龍吉神並立。其妻必賢。咸池玄武並  
立。其婦必淫。世爻無氣受應尅。必然  
妻奪夫權。應爻若落空亡。妻宮有損。

**相生相合。必然諸老齊眉。相尅相衝。決定終朝反目。**

世應二爻。若得相生相合。一生如魚得水。如逢相  
尅相衝。百歲似水投炭。生合之處。逢衝始諧和。其  
後被人搬弄。若應來尅世。本不爲佳。却得動爻尅  
應。或被日辰衝破。則始雖不和。以後得人解勸。終  
歸好合。若世應比  
和。自然兩無高下。

**財爻動。則父母刑傷。兄弟興。則妻宮重疊。**

財爻持世。或動則父母受尅。其人必早失怙恃。或  
過房離祖。重拜爹娘。若兄弟交重。或臨世位。其人



妻官受傷。必主斷絃再續。晚歲重婚。父母動。則難  
爲子息。官鬼興。則損害弟兄。惟有子孫持世。財爻  
有氣。一生衣祿自然。  
親賢近貴。永年合。

### 若臨傍位。稍減災殃。

言前妻財兄弟之類。不臨世上。在他爻發  
動。其災殃稍可以。是推之。學者自當通變。

### 咸池凶殺臨身。出處必然微賤。

咸池殺。見後神殺章內。此殺若臨世爻。或臨父母  
爻。皆主出身微賤之家。更看卦無貴人吉神。必非  
高上之士。

### 祿馬貴人持世。立身須主清高。

貴人。天乙也。凡占得貴人持世。祿馬  
同鄉。必然立身清高。不可斷曰庸人。

卦值六衝半世求謀踴蹙。

子午卯酉之類爲六衝。凡占得之。其人作事有始無終。少成多敗。前卦六衝。三十年前。生涯冷淡。後卦六衝。三十年後。漸覺蕭條。前後皆值六衝。一世不能成就。爻中縱有吉神。爲事亦當踴蹙。

爻逢六合一生動用和諧。

子與丑合之類。凡占卦逢六合。其人和悅秀氣。善與人交。謀事多成。行藏無阻。前卦六合。三十年前。步步春風。後卦六合。三十年後。滔滔發福。前後皆逢六合。一生遂意。到老榮華。

男帶合則俊秀聰明喜見青龍財福。

卦中吉凶不可一槩論。亦有淺深之分。且如卦逢六合。爻象皆凶。難以吉斷。然須參究淺深。剖分高下。若占男子命。卦中帶合。必須青龍財福旺相得地。方可斷曰聰明俊秀之士。依此推之。庶無差忒。

女帶合。則澆浮淫泆。怕逢玄武咸池。

女人得六合。却不爲佳。若有吉神貴人在位。則無虞。反主秀氣聰明。儀容端正。若見玄武咸池在位。必主澆浮淫泆。放蕩無端。行多不正之婦矣。

遇進神。則吉盛凶多。遇退神。則吉衰凶滅。

進神者。甲子甲午。巳卯巳酉。退神者。壬戌壬辰。丁丑丁未。凡遇進財福吉神。則吉。遇鬼殺凶神。則凶。大凡進神。遇吉則吉盛。逢凶則凶多。退神。遇吉則吉少。逢凶則凶衰滅矣。

玄武持世。爲人慳吝奸雄。白虎扶身。賦性剛強狠毒。

青龍持世。爲人慈祥愷悌。見人和顏悅色。朱雀持世。急于言詞。多招誹謗。勾陳持世。爲人穩重。行事遲鈍。螣蛇持世。爲人多心機。無信實。虛浮詐僞。白虎持世。爲人剛強好勇。狠戾心毒。玄武持世。爲人

陰謀暗算。狡譎多端。若與兄弟同居。其人貪財悋嗇。

此則一生之禍福。須言三限之榮枯。

已上所言吉凶休咎。總論一生禍福。猶未及于三限。此後分別三限。以證前言得失榮枯。從茲定矣。初爻管五年。二爻管五年。三爻管五年。共十五年。後三爻亦管十五年。共三十年。支卦亦管三十年。却看爻上無阻。一年一位。數至壽終。

內三爻管十五年。遇吉神。則大人蔭庇。

吉神貴人祿馬。幼年蔭庇之下。享現成之福。不可便斷發福發財。若動爻臨于鬼殺。自幼多災多患。

外三爻管十五載。遇凶神。則小輩欺凌。

十六至三十。正當成立之初。未免爲人所欺負。若見官鬼凶神發動。多因小人侵侮。大則官府逼脅。

當究淺深斷其凶吉。若是吉神發動。從此享福無窮。

要知發福發財。支卦內三爻爲主宰。

人生世間。成立家業。皆在三句以下。五句以上。未至此。其力未加。若過此。光陰已錯。凡占論成立。專看支卦內三爻。若財福兼全者。有成之造化。晚景縱不佳。終須有根底。若遇鬼殺空亡。一生虛負心機。徒勞奔走。終無結果收成也。

若欲斷生斷死。支卦外三象爲提綱。

支卦外三爻。管十五年。自四十五至六十。稱爲晚景。乃結局之時。無毀無譽。不過論壽。凡觀至此。緊着眼看。凶神惡殺。若有尅戰。須忌傾危。

遇吉神。則見險無危。遇凶神。則逢屯卽死。

如遇吉神。則雖經險阻之處。亦可轉禍成祥。不至危殆。若遇凶殺。則稍有坎坷。便成大咎。以至絕地。後卦如無凶殺。前爻世上重尋。一年一位細推詳。萬死萬生從此決。

後一卦如無凶殺。其壽在六旬之上。却從前卦世上重尋。一年一位。數至壽終。若步步遇吉神。其壽綿遠。若逢凶惡殺。即便喪黃泉。萬死萬生。從茲定矣。

莫將緊節亦比常占。

占人之命。關乎大造。非可輕斷。必須潛究根源。察其衰旺動靜。尅害刑衝。自家把捉得定。方可與人決斷。告凶剖分得失。若不察其淺深。高下妄行決斷。而無差誤。未之有也。

○伉儷章

天命稟有生之初。非今可易。

死生有命。富貴在天。命稟有生之初。非今可易。莫知爲而爲。非我所能必。但當順受而已。

夫婦乃人倫之大。自古爲先。

有夫婦。然後有父子。故五倫之中。首先夫婦。

世爲婚。應爲姻。須要相生相合。

世爲男家。應爲女家。相生相合。定有成就之象。生合處。須防衝尅。恐將成而被破阻。衝尅處。若得生扶。不成之際。得人贊協矣。

鬼爲夫。財爲婦。最嫌相害相刑。

財鬼皆要旺相爲吉。最嫌三刑六害。發動成凶。

陰陽得位爲佳。夫婦俱全協吉。

陰陽得位。有兩端。有卦象外。陰內陽。有應陰世陽。二者皆爲得位。一陰一陽之謂道。純陰純陽之謂鬼。純陰不生。純陽不化。一陰一陽爲夫婦。又曰。占婚用爻。首要財鬼。二者俱全。稱爲大吉。一云。男占婦。以財爲主。女占夫。以鬼爲主。其理倣此。設或財鬼不上卦。或落空亡。其婚難成。縱成亦爲不吉。

世生應。乃男求女。應生世。乃女貪男。

且如應雖生世。奈緣逢墓絕。雖然相貪。尚在躊躇之際。若得動爻相生。必賴媒妁之力。如世爻生應。奈世被日辰衝尅。男意雖濃。被人間阻。事體又在難成也。

世位逢空。當見男心退悔。應爻有動。必然女意更張。

世空男悔。應空女悔。縱有吉神。亦難成。若世應俱發動。必然事有收張。動處若逢日辰合。任君不願。



也須成

世應比和功全資于媒妁陰相交錯事亦係乎因緣

世應比和本無成就之理若得媒爻動合世應其事亦成陰陽交錯乃世應不得位也若大象可成亦當入贅不然夫婦相凌也

應旺則女室豐隆世墓乃男家貧乏

夫占婦若應位月建旺乃素封之家若月建雖旺日下休囚必近年稍退資財若婦占夫要世爻旺相則男家豪富入墓休囚必主貧乏本宮雖旺而世鬼俱衰止是虛名而已

子孫發動中途必見傷夫兄弟交重異日終須失婦

子孫爲福德卦中不可無宜靜不宜動若帶貴臨吉神動乃妻奪夫權或鬼旺不受尅若加天寡及

凶殺必主傷夫。旺相則急，休囚則緩。兄弟爲尅財，若發動必喪其偶。若得鬼動，及日辰衝破庶可解。

**財空妻失。鬼空夫亡。**

財鬼空亡，占婚大忌。本非成就之象。若干支相合，世應相生，半世夫妻也。

**男子兩財逢二姓絲蘿之好。陰人兩鬼再一番桃李之鮮。**

男占女，見兩財一旺一空，曾作兩度新郎。若兩財不空，惟帶桃花，必一正一偏。女占男，見兩鬼一旺一空，定主重婚再醮。若兩鬼旺不空，日辰刑衝財爻，或動爻尅財，必是生離收嫁。

**財動則傷尅公姑。父興則難爲子息。**

財爻持世，必不能奉事公姑。安靜猶可，若發動則主刑傷也。父母發動，主難于子嗣。若帶凶殺，主生

後有損遇救猶可。  
逢衝則主無害。

財鬼同居一卦。必然親上成親。前後皆值六衝。當見退後還退。

財鬼共一卦中。此易成之兆。若世應財鬼相生相合。必然親上成親。前卦值六衝。必曾許聘復退。後卦又六衝。成後又當見退。若被日辰合住。雖欲退悔。不可得也。前卦衝而後卦合。當見退後還就。

日辰合世。須逢貴客維持。惡殺衝身。必被他人說破。

日辰臨天喜。或貴人合世。應必有權貴之人。前來維持說合。若日辰惡殺衝尅身世。必有小人破阻。若得動爻來救。則無害也。

卦無父母。應無雁幣迎門。

父母為主婚。又爲聘儀。其中無父母。必無雁幣之禮。

財值青龍。會見鸞粧耀目。

財與青龍會合。必粧奩之資茂盛。絢彩奪目。

鬼化鬼終。須反覆。兄化兄。見阻方成。

鬼本動爻。不宜變動。靜化猶可。動化非宜。必主事體反覆遲滯。兄弟乃阻隔之神。兄又化兄。若大象不吉。婚難成。

世應三合咸池。擬定先通後娶。財鬼一臨玄武。定知眼去眉來。

應與財。若加咸池。臨玄武。與世并鬼合。必是先通後娶。若與傍爻合。必與外人有情。應加咸池玄武。

婦淫。世爻夫淫。咸池若逢日辰衝。雖淫不濫。若見貴人動來尅。却不淫。主其人容儀美麗。多情好歡。逢旺尤甚。死絕稍輕。若咸池會進神。動來生合。其人淫心蕩漾。恣意非爲。若會退神。或退神來尅。雖有欲心。未嘗有實。不過眼去睂來。

要知女貌妍媸。推究財臨九曜。

推九曜以別妍醜。若財帶貪狼子俊好。財帶巨門丑亥其面貌團圓。顏色紫黑祿存主有疾。廉貞辰主淫。貌美武曲潔白中貌破軍破軍必有破相。文曲文曲形貌瘦長。爲人柔弱左輔右弼同已上好者怕衝。惡者怕扶。

欲識男材長短。參詳鬼值五行。

凡人稟五行而生。其形象亦不離于五行。當用推詳。

若窮兩處精微。更互六神推究。

若遇青龍爲人和氣俊秀工巧曉事能家朱省快  
言語多口舌加殺多招誹謗喜生是非勾陳爲人  
純厚穩重有規矩不動則無轉變騰蛇有心機多  
疑慮白虎性急狠毒不仁玄武私曲奸邪若有吉  
神制則不然反  
主聰秀伶俐

### 咸恒節泰百年似魚水之相投

咸恒節泰但取其陰陽得位世單應拆不相奪倫  
論財鬼俱全咸卦未得盡美也以上四卦若又有  
日辰生合吉神發動者歡諧到底如魚得水也若  
見用爻落空凶神衝尅又不可以一槩斷爲吉也

### 睽革解離一見如炭冰之相遇

睽者乖也上火下澤金火同居豈無傷尅故不利  
革者變也革故鼎新之象占婚姻遇之當有爭婚改  
嫁解者散也占婚宜合不宜分離  
者六衝之卦純陰之象故云不吉

間爻旺相。須知月老英豪。

世應中間爻象似乎媒妁。若旺相主冰人豪俠有力。

兄位交重。定是冰人詭譎。

兄弟動主作伐之人。從中詐僞也。

與世應相生相合。必然一處沾親。

問爻與世應生合。必主親朋結契。

如雀虎相尅相衝。擬定兩家相怨。

朱雀白虎臨于世應衝尅。雖聯姻眷。終結兩邊怨惡。

欲知退步。須察空亡。

此說上文世應相生合及雀虎相衝  
尅者值空亡即當退步不可如彼斷

### ○六甲章

既已論於婚姻次合占其產育子孫旺相若臨陽象  
定生男福德休囚更值陰爻當是女。

子孫在單重爻爲男拆交爻爲女或子孫雖屬陰  
爻得日辰及動爻天喜扶持亦主男子孫雖屬陽  
爻被日辰刑衝及  
動爻尅洩亦主女。

陰包陽則桂庭添秀陽包陰則桃洞得僊。

若子孫爻屬陽初爻六爻屬陰此陰包陽也生男  
子孫爻屬陰初爻六爻屬陰此陽包陰也生女。

發動青龍當見臨盆有慶。



青龍爲孕育之神。最宜旺。相當權。發動必生貴子。

交重白虎。乃知坐草無虞。

白虎爲血刃。他事不宜。惟臨產最喜。若輔于庚申辛酉爻上發動。更快。緣白虎爲破胎。爲催生。故也。

定吉凶於內一卦之中。乾離坎兌則易產。

乾爲首。離爲目。坎爲耳。兌爲口。此四卦在內象。則易產。言其頭目耳口先出。是順行。故產爲易也。

決禍福於外三爻之下。坤艮震巽則難生。

坤爲腹。艮爲手。震爲足。巽爲股。此四卦若在內象。必是難生。逢旺愈難。有解救半吉。

兄弟空。則妻位無傷。父母興。則子宮有損。

尅妻財。乃兄弟也。兄弟空。其妻無傷。子孫所制者。父母。若父母獨發。子孫必不全矣。

若加凶殺。立見刑傷。

以上兄弟父母。帶吉神發動。雖凶弗咎。若加凶殺。必定傷胎害母。

天喜若值騰蛇。定叶麒麟之夢。

騰蛇者。乃虛幻恍惚之神。臨陽鬼。日主虛驚。臨陰鬼。夜生怪夢。更加天喜。必曾感應吉夢。而生麟鳳子之。

咸池倘臨玄武。必生汗血之駒。

咸池玄武。皆淫佚之神。若二神相會合。必生汗血之駒。汗血者。婢妾所生之子。

六爻最怕空亡。諸位皆嫌鬼值。

六爻之中。初產母。二胞胎。至上皆有關係。故不宜空。鬼爲占產所忌。故六爻皆惡之。

鬼臨初位。必然產母當災。鬼入二爻。當見胞胎不穩。

初爻產母。鬼在初爻。故產母有災。二爲胞胎。鬼若臨之。主胞胎不實。

空亡必墮胎虛喜。帶殺則臨產艱難。

子孫空。及二爻空。主墮胎。若帶殺神。主分娩時受苦。

若逢鬼值五爻。始得福生萬彙。

五爻爲收生婆。官鬼臨之。則吉。

○求仕章

有子萬事足。當如儀儼侃僖。無官一身輕。誰佐禹湯及文武。欲作大廷之宰輔。須憑易卦以推詳。謀望

利名。先要鬼爻旺相。斟量宜勅。但觀父母興衰。

凡求官。官鬼是用爻。宜旺不宜衰。喜日辰扶拱。怕刑害尅衝。宜勅者。父母是也。卦中不可無。最宜旺相。扶世不加凶殺。則吉。若被刑衝。根脚不正。加臨大耗。廣費資財。若太歲月建旺者。多是宜也。若貴人祿馬同鄉。不過是勅也。若雖有吉神。散漫而不當權者。無過是吏掾文書。衝世凶。生尅世吉。若不落空亡。縱有艱辛費力。終當成就。

印綬旺。則職守彌高。官鬼衰。則聲名卑小。

父母官鬼。乃古官之根本。關一則事難成。二者若逢生旺。必然官職高大。若值休囚。只是卑小職分。若父母強旺。而官鬼無氣。職雖平等。身居鎮靜。冷淡衙門。無威耀權柄。若遇進神。聲名益大。如逢退神。必減前任政聲。此舉大綱。後倣此推之。

欲知品秩。無倦推詳。

以上兩節。只言大體。精妙之理。具陳于後。

祿馬扶身。萬里風雲際會。

祿者。十干五行。譬之人生一世。幼壯老死也。于長生爲學堂。甲乙生亥。丙丁生寅。戊己壬癸生申。庚辛生巳。皆學堂。喻人之幼而學也。以旺爲祿。則甲祿在寅之類。在臨官帝旺之處。喻人之長而食祿也。馬者。驛馬。如寅午戌。馬居中。乃長生。謂之驛馬。若臨身世。或臨官鬼父母。及動來生扶身世。乃大吉。唾手成名之類。犬忌空亡與刑害也。

貴人持世。九天雨露承恩。

貴人有二。有天乙貴人。有福星貴人。宜旺相。惟刑衝。若臨官鬼及文書主官職高遷。必登相位。福貴。

持世主人有福德一生  
見險無虞臨凶無咎也

**青龍動則事業易成朱雀空而文書難就**

青龍者吉慶福德之喜神其動有三有年建青龍  
月建青龍日建青龍若見發動必加官進祿與天  
馬併立自有升騰進益之喜不宜落空必主虛喜  
若得興隆事事稱心吉無不利朱雀占官之用爻  
宜旺不宜衰若見空亡文書必難  
成就或被刑剋文書必遭傷壞

**子孫發動縱然在任也休官**

子孫乃剝官之神若發動雖在任  
所亦當休致其求仕者不必言也

**劫殺交重當見承恩方損已**

劫殺見後神殺內若官鬼  
臨之發動必因官損命

妻財持世。誥牒豈得如心。兄弟扶身。俸祿安能稱意。

妻財持世。尅文書。縱成不如意。兄弟爲尅剝之神。俸資必非厚也。

父化父。文書不實。官化官。事體翻騰。

父母爲文書。父化父。文書虛而不實也。官化官。事體翻騰反覆也。

卦中兩父兩官。必是鴛鴦求仕。

卦中遇之。必有兩意。幹事。此失彼得之兆。此乃鴛鴦求仕。若前鬼旺。後鬼空。只宜守舊。不可改謀。前鬼衰而後鬼旺。宜捨舊圖新。前後皆旺。所謀遂意。

爻上月德月建。須逢解豕爲冠。

月德月建。皆清正之吉神。諸煞莫敢仰視。若見加臨貴人。扶持官鬼及世爻。必非州縣之官。乃風憲。

之職。更看目下衰旺。便可斷其擢官赴任。此又不可  
忌凶殺。逢殺。則威風凜凜。動止驚人。操權赫烈。

太歲動。則在任有除。劫殺空。則逢凶無咎。

太歲地殺之主宰。諸神不敢當。若值青龍月建。加  
臨父母官鬼發動。雖見居任所。又當陞擢美職也。  
若加劫煞。則當貶責。  
如落空亡。逢凶無咎。

鬼爻持世。應知到任把權。印綬扶身。必定臨庭掌案。

持世扶身。卦之主宰。若見用爻加  
臨。定主到任把權。臨庭掌案也。

卦無父母。終無所任之邦。爻隱妻財。未得養廉之俸。

父母爲任所之地。若不出現。或落空。恐無所  
任之處。妻財隱伏。及落空。養廉之俸未足也。

一世二世。任所非遙。五世八純。仕途遠涉。



一二三世在內卦故曰非遙四  
五八純在外卦故曰遠涉也

要識官情好惡須憑卦象推詳

假如隔手來占要知本官爲人及形貌性情但將  
鬼爻論之看其在何宮論其形體并六獸之形貌情  
性了然可見與  
義開列于後

世在離宮眼露聰明性急身居乾象面圓正大仁慈

離屬火爲目乾屬金爲  
首各取其體德而言也

金爲武職之官掌殺生之重柄火乃文章之士探禮

義之根源

金有斷制之義故取爲武職  
火乃文明之象必職司儒業

○詞訟章

偉哉行事有功。廣播聲名于天下。必也使民無訟。須存正直于心中。大爭則兵革交征。小競則文詞相訴。欲分勝敗。先將世應推詳。

凡爭訟曲直。世尅應者。我勝。應尅世者。他勝。然應雖尅世。而世旺。彼雖害我。而不能深傷。世靜而尅。應而應發動。彼有通變之謀。終不受尅。若有吉神扶持。必有貴人倚靠。終不能侵。若世應皆旺。勝敗之機。未可決。但究日辰生合何爻。併刑尅那爻。便知端的。

要決因依。但把鬼爻推究。

占訟。以鬼爻爲主。更以六神參究來歷。因依了然在目矣。青龍鬼。婚姻訟。朱雀鬼。罵詈口舌。文書契

約吏人爭鬪喧鬧是非勾陳鬼田土屋宅山林樹木訟若兄化鬼房族致爭騰蛇鬼被人連累白虎白虎鬼與人鬪歐殺傷若帶凶煞動事屬刑名玄武鬼姦淫盜賊訟

### 官尅應他人受責鬼傷世自己逢屯

凡占訟世應相尅以決輸贏一說世尅應我訟他應尅世他訟我輸贏從官斷鬼尅世官司不順我費資財鬼尅應他人遭責彼虧我勝應空不受尅他人亦無妨世空同斷又云世應俱空兩家退悔官司將有解散之意

### 一卦兩官權柄何曾歸一六爻無父文書終久難成

一卦之中不宜見兩鬼若兩鬼出現權不歸一事體反覆若一鬼旺動即取其方向便知那一官執權父母爲文書案驗卦無父母案卷未成父母旺空文書未就休囚空亡其事不成或父母逢太歲

月建衝上司必有駁。父母加大歲動主上司吊。卷父母帶吉神終無大咎凶神同位則事凶。

### 他訴訟看鬼位休囚我興詞怕財爻旺相

凡他訟我要鬼位休囚不宜旺相不然其訟必成妻財本尅父母若我興詞不宜見之若逢動或持世狀詞終不准若得日辰衝散財爻我事庶幾可振又云他興訴須要官鬼休囚墓絕則無大害。

### 官鬼空亡墓絕須知無貴主張

凡占不問原告被告若官鬼空亡墓絕或卦無官鬼決無官府主張其事鬼雖墓絕而財爻旺動相生此之謂絕處逢生須用貴財囑託姑待官鬼旺相月日方可成訟更值子孫發動仍復無氣縱外費盡資財亦無益干事。

### 世應帶合比和終久有人和會

若世應帶令事體本要成。若但比和而不相害。兩家有和會之心。若子孫動當勸和。公事世應比和。而官鬼旺動尅傷世應。兩家欲休。官府不放。若遇解神。庶幾可散。

### 鬼化鬼移權更案。兄化兄蕩產傾家。

若遇鬼化鬼。其事反覆。或移權更案。事干兩司。或舊事再發。前卦鬼衰。後卦鬼旺。昔日之事雖小。今日番成大事。前鬼旺。後鬼衰。其事先重。後輕。虎頭蛇尾。兄弟乃尅財之神。若旺動。不免廣費貲財。休囚稍可。若又化出兄弟。必主使兩重財。或兩處使錢。更加大耗。主蕩產傾家。若加劫殺及咸池。必被小人陰私。趁勢切騙。若逢鬼動終久必知之也。

### 太歲鬼臨其事。必干臺憲。天獄殺動。此身須入牢房。

占訟若鬼加太歲及月建。必干臺憲。鬼衰難用。此斷自宜通變。取人事決之。庶無失矣。天獄殺見後。

神殺章。開鎖殺見神。  
殺內若動則有鎖禁。

官旺日則面折庭諍。鬼休時則停囚長智。

占訟欲知何日興何日息。但把鬼爻推究。鬼旺日。其事必興。當見臨庭折証。若值鬼衰。其事必停。鬼值衝官司有元。未及究問。鬼值日辰刑。上司有言責。其事稍緩。

欲識何時結斷。鬼爻墓絕推詳。

占訟始終成敗。皆從鬼斷。其事有定限。庶可推詳。夫結絕決斷。實為難事。其或動經一年半載。必須先達人事。度其輕重。知其時務。復取其占卦爻。子孫發動。官鬼空亡。無死入墓。窮其鬼絕月日。然後方可雍容推其意而言之。

要知不受刑傷。子位興隆剖決。

子孫爲福德之神。官訟牽連。獄囚禁繫。杖責臨身。此爻發動。一槩可免。

### ○盜賊章

世上論官訴訟。多因性氣資財。其中暗昧陰私。莫出姦淫盜竊。用鬼爲賊。須尋來處之蹤由。

以鬼爲賊。若見持世。乃貼身之賊。在初爻。是家賊。二三爻。鄰里賊。在外。是外賊。在六爻。是遠處賊。思帶羊刃。劫殺懸鉞。是強盜賊。賊來須捕。鬼生方且如鬼屬金。乃西方賊。從東南方上來。看有何爻。却詳微細之處。其餘倣此。鬼屬陽。日間來。鬼屬陰。夜間來。陰鬼化陽。夜至日方退。陽鬼化陰。日至夜方偷。男賊女賊。亦不出。下陰陽推斷。

推物憑財。當捕墓中之方向。

推物常以財屬五行辨之。欲知其藏固何方。但尋財墓處便是。且如金財在丑。艮方。木財在未。坤方。水土財在辰。巽方。火財在戌。乾方。凡占欲知何處失財。但看財絕方向是也。財在內家中失落。居外在外失落。若五爻動。路上遺失。若鬼空亡。無恙。日辰扶合財爻。財爻化入墓中。此乃未經賊手。不曾失脫。藏于器皿之中。

### 財化鬼。必無尋路。鬼化財。終可獲贓。

凡卦中財化鬼。其物已變化了。至後無蹤跡影響。鬼若逢衝。而日辰扶合財爻。其物未散。若非子孫發動。亦未可知。如鬼動化財。物雖偷去。尚未出數。終可捕獲。但看其子孫旺。官鬼受制時。自然敗露。

### 妻財最怕空亡。官鬼豈宜扶合。

財在內卦。不落空亡。其物可見。財在外動。物已去遠。終難得見。鬼若日辰扶合。乃真賊。慣得其中滋



味必有人做脚。須防再來。且日辰合住鬼。爻必有窩頓之家。深藏固閉。賊不易敗也。

金爻帶鬼。便言割壁穿窬。木位逢官。定是鋤泥掘洞。

金爻帶鬼。用刀鐵撬開門戶。挖毀牆垣。木爻屬鬼。鋤泥掘洞。過屋懸梁。其他當以類推。

看在那爻發動。便知何處歸來。

如金爻發動。賊向西方來。木爻發動。賊在東方來。

子動傷官。日下須當捉獲。

子孫爲捉賊之人。旺動必當時下。便能捉獲。偷時被人撞見。要知蹤跡。但尋子孫方位。便如着落。如卯爻子孫動。見穿青婦人。方知消息。屬寅乃穿青男子。或遇草頭及木字傷姓人。說消息。若遇巳爻子孫動。必見紅衣女子。方知帶殺。乃曲脚婦人。胎養乃小女子。午乃穿紅男子。旺相是銀鍊等匠。休

因乃挑柴炭人問之。可知申乃穿白衣人。或木匠  
鐵匠。酉乃賣酒人。持酒人。可知消息。亥乃穿黑衣  
人。或守田土之人。或挑水之人。或洗衣之人。皆宜  
問消息。子是穿黑衣。不頂帽男子。及釣魚人。靜中  
看見。問其消息。辰乃竹林木中。墓邊人家。可問。戌  
有黃犬。吠人家。或牽引犬人。問。丑是守牛人。或是  
耕夫。未是牧羊人。可知其的。以上當別旺相休囚。  
可知少壯老弱。若鬼化子孫。必須告官。方能捉獲。  
勾陳乃捕賊之人。若  
尅玄武。其賊必擒。

### 日辰尅鬼當時曾被驚疑。

凡日辰衝尅官爻。上盜時。被主家驚覺。如金鬼畏  
火。若遇日辰衝上盜時。見燈明復退隱。若火爻動  
來衝尅。其時有人燭燈外。窺見形跡。木鬼值日辰  
衝尅。行竊時。曾觸銅鐵器皿。作聲。賊心驚恐。或金  
爻空動。尅鬼乃人之聲。胎養小兒啼。庫墓老人嗽。  
未敢下手。水鬼值日辰衝尅。畏牆壁堅固。路徑高。

低其賊疑懼終無十分偷掠若戌土動來尅多是  
犬吠帶殺被犬傷火鬼被日辰衝尅主賊人被追  
落水土鬼被日辰衝尅畏門戶牢緊若見木來尅  
必聞門戶聲驚疑以上數端皆以類而推惟占者  
至誠至敬自然靈驗也

### 一卦兩宮內外二人謀計

若兩鬼俱動必是內外勾連二人同竊若外鬼動  
內鬼不動不過知情若兩鬼皆不動但取其臨武  
劫殺當權者為正賊

### 六爻無鬼中間恐自遺亡

六爻無鬼財不空亡乃自遺失非人偷也財旺可  
尋若財帶亡神動有鬼爻不動亦是自失被人獲  
去終不可見若無鬼而兄弟化鬼或加青龍動者  
非人偷或曾有人借去遺亡在彼若死雖動又兼

兄弟旺動物雖賊偷非  
能入已又被他人將去

財立內爻珍寶不離于井竈財居外卦金珠豈遠于

棟梁

財爻在內其物必在家之井竈間  
財爻在外未動必藏匿于棟梁上

須教仔細參詳方可雍容斷決要占輕微之失脫更  
加玄妙之工夫鬼屬陽男子偷細察休囚旺相鬼屬  
陰女人竊精詳庫墓胞胎

小可失脫不可一槩論但當分別陰陽校量衰旺  
方知的實若陽鬼男子偷陰鬼女人竊鬼旺後生  
偷庫墓老人偷胎養童穉偷若陰化陽婦人偷男  
子將去陽化陰男子偷藏女人處不然日間見物



惡大隆龍  
亦整防集

若見卦無財位便當推究鬼爻。

凡占失物當究財爻。假若財  
不上卦當以鬼爻衰旺決之。

水鬼興隆無出綾羅錦繡火官衰死不過銅鐵鍋釜

若卦裏無財當考鬼之所屬水鬼興隆必是綾羅  
錦繡段匹之類若休囚不過絲綿絹帛餘鬼倣此  
推之。火鬼加貴興隆必是金銀無  
氣銅鐵若在二爻必是銅鑪之類。

欲知何日亡財但看鬼逢生旺要決何時捉獲精詳

官被刑衝

凡占家宅若鬼臨玄武發動當有盜賊起心要知  
何時但看官鬼生旺遠以月斷近以日推如特占

夫脫不可用月斷但鬼爻生旺日是也若卦逢六  
合鬼值動爻刑剋便可斷其動爻生旺日捉捕凡  
日辰則衝最急若旁爻動來相生必有人  
救若大衆可獲亦待旁爻受制日可捉獲

○求財章

饑寒起盜心亦爲困窮而至此富貴享遐福莫非營  
運而後能齎財于蛟龍背上行舟負命于虎狼叢中  
取路欲決心中之疑慮端詳爻上之吉凶

求財之言艱險于斯可見但能信占上必無不遇  
之禍若出外求財須言禍福之分在家求財亦有  
得失之別學者可不究哉上以決疑不疑何上凡  
來占者必有疑慮之事當詳吉凶京旺見財福如  
值故人遇元  
里如逢快

將本求財。妻位偏宜旺。相空峯問利。官爻喜遇興隆。

凡占求財。先達人事。然後決斷。若將本求財。須要財爻旺相。尅世生世。則吉。世尅財。則凶。若卦有兩財。外財旺而內財衝。本雖少而利則多。若內財旺。外財衝。利息淡薄。但可正本。若內外財爻俱死絕。將本生涯。斂手折財。不上卦。及空亡。買賣經商。連本滅財。爻絕處。又逢生。利息依然動懼。悅妻財。雖旺不尅世。却向爻中看。亡劫。先生若也問求財。請看天仙玄妙訣。空手求財者。不過是百工技藝之人。以鬼爻爲用。鬼旺則財豐厚。

鬼化爲財。尅世須云大吉。財爻化鬼。逢空可謂全凶。

鬼化財。從空而至。且來尅世。是利追我而走。故云大吉。財化鬼。自有化無。又落空亡。是消磨殆盡。故云全凶。

凶



父化妻爻當涉艱辛始得財連兄位縱然積聚當分

凡父化財必先難後獲父旺財衰則艱辛多而財少父衰財旺則用力少而財多財化弟尤將有侵奪之患雖有積蓄亦當分散也

凶神衝散財爻切忌風波險阻劫煞加臨兄位須防

盜賊相侵

凡凶神來衝尅財爻行船便見風波之患世爻若值吉神身雖無咎財必飄零凶神若遇虎蛇尅世財命不可保全若就家中求財不如此斷必是凶人攪亂或因財引惹公事若值解神却得無主財殺乃求財之大忌若臨財位必不可得若臨兄爻發財得財之後防有失脫若更玄武加臨必有盜賊劫掠之禍若得貴人臨世雖有賊來無傷于我如逢鬼動兄弟受其害有凶神亦無大患鬼

父無子則無權兄  
弟依然來作福

子動會青龍乃生財之大道父興臨白虎爲絕利之

根源

若卦內無財而子孫旺動亦可求謀更臨青龍比  
同有財之卦若值休囚更宜斟酌若鬼化子孫謂  
之鬼運財來付好人蒼屏有歌曰鬼化爲財及子  
孫求財最利稱心情更逢福德來生世安坐高堂  
也獲珍若子孫化子孫財從兩處生財既白兩處  
生宜兩處求或與人同求大吉子孫乃生財之神  
比同水之有源源頭受尅則泉竭泉水旺盛則流  
長若財位逢長生福德臨官此等求財綿綿不絕  
或財雖旺子孫死絕只許一度後再難求子孫雖  
旺父母來尅謂之絕生財之源雖有錢財亦無接  
濟若遇日辰相合  
庶幾不被尅傷

世尅動財。若趕沙場之馬。財生靜世。如逢涸澤之魚。  
大凡求財。財來生世。尅世則易。財來逐我。如涸澤取魚。伸手便得。若世尅動財。是我去逐利。如沙丘劣馬。愈趕愈奔。終難上手。

尅害刑衝。迫兄鬼。則災殃消散。

兄鬼。皆求利之忌神。今彼受制。不惟求財有望。抑且災散禍消矣。

生扶拱合。輔財福。則貨寶豐盈。

妻財子孫。生涯緊要。且有生扶拱合。豈不財貨盈溢。珍寶滿箱。

前卦有財。後卦無。不利于後。前卦無財。後卦有。艱難在前。

前卦有財後卦無宜速求遲則難得前卦無財後卦有宜待時行事或看財爻旺相年月方可謀望財合日辰方能入手財逢墓庫便可歸懷。

財與日辰合財爻入墓日方可斷其上手。

### ○出行章

坐賈行商皆爲厭貧求富貴曉行夜算只因圖利起經營欲財溢于千箱須奔馳于萬里未卜其中之得失便言路上之行藏世尅應爻直到地頭無阻節鬼臨飛位未離門戶費趲趲。

凡占出行以世爲主旺相吉無煞凶世尅應坦然一路無凶兆應尅世比同旁爻發動來相尅當有

吉凶之辨。若遇財福。尅我則吉。鬼殺尅我則凶。若當世墓凶方。決不可行。鬼持世上。多是去不成。若子孫發動來解。庶幾可行。如或鬼爻帶貴。必因貴人遲滯。未得起身。鬼加官符朱雀。必因官事牽連。鬼加白虎喪門。弔客死符病符。恐有喪亡疾病之事。鬼若臨應。到彼謀事。終難成就。

### 世爻更值空亡。出往終難成就。

世若逢空。多是去不成。縱然強去。終是不得意。而回。凡占必須看何人。若本身出。最忌世空。因經商出行。可謂大凶。必主陷本他鄉。徒勞奔走。若九流藝術。及公家勾當。人占反爲吉。空手得財。不聚也。子孫動。則路逢好侶。官鬼興。則途遇凶人。

子孫持世。吉無不利。必主善去吉回。若發動。必逢好侶。官鬼爲凶人。發動尅世。爲害非輕。休囚受制。終無大事。

父母休囚背負一琴登蜀道妻財持世腰纏十萬土

揚州。

父母爲行李旺相則多休囚則少一琴一劍言其少也妻財爲錢鈔財爻旺相則腰纏十萬貫言其

多也。

馬爻發動坤宮遇吉神則驛程安肆木位交重坎位

加白虎則舟楫傾危。

馬在坤象動必陸路行更加青龍一路自然安逸木在水上動必是水程若加白虎恐遭風浪顛覆之憂。

五位逢空路上淒涼無旅店六爻臨鬼地頭寂寞有

憂愁

初爻空亡無脚子。二爻空亡身有阻。三爻空亡伴侶稀。四爻空亡難出戶。五爻若也值空亡。旅店荒涼受辛苦。更看六爻若逢空地頭。寂寞無人住。六爻俱不落空亡。任意揮鞭千里去。以上論空亡者。不可一槩論。必從吉凶分別。凡吉神空則凶。凶神空則吉。依此推之。萬無一失。占出行不宜見官鬼。六爻遇之皆不利。初爻主脚痛。二爻身有災。三爻伴侶有疾。四爻去後戶庭有官事相纏。五爻道路梗塞。六爻地頭不利。不得意而歸。

參詳一卦吉凶推究六神持尅

青龍臨財發動滿載而回。朱雀官爻發動必有是非口舌。勾陳臨水動必有雨水。騰蛇帶鬼必有憂驚怪異。白虎帶殺必有疾病。玄武臨財必有失脫。以上凶神持世尅世最忌。旺相亦忌。休囚受制庶

無入  
事

金爻持世。豈宜遠涉南方。木位安身。惟利高登北闕。

南方屬火。金畏之。故不宜往。北方屬水。水生木。故宜去。餘倣此例。

○行人章

秋風颯颯。動行人塞北之悲。夜月沉沉。興游客江南之夢。剔銀燈。喜占音候。當金釵。爲卜歸期。若問子孫。須要福神生旺。或占父母。不宜印綬空亡。

父母出行。看父母。子孫出行。看子孫。兄弟朋友。皆看兄弟。奴僕亦看子孫。吉神臨之吉。凶神臨之凶。  
應動青龍尅世。行人立至。父臨朱雀。爻交音信。須來。



應動。尅世即來。世動。尅應。未來。青龍臨。應動。行人  
立至。動。世尅。動。應。行人往他處。若世應俱靜。但看  
生尅制化。若世生。應尅。應決未來。應生。世尅。世身  
雖未動。已有歸意。但看衝動。月日起程。生旺日必  
到。父母朱雀。皆爲音信。若見發動。必有信至。尅世  
來速。世尅來遲。若當五爻動。有信在路。帶天喜吉。  
神尅世。是喜信。加大殺凶。神尅世。是凶信。若父母  
朱雀動。處逢空。音信雖有。被人沉匿。父母并勾陳  
發動。音信雖有。帶書。  
有舫閣。稽遲未到也。

欲知車馬將回。細看門戶。要卜舟船未發。但看地頭。

初爻足。二爻身。身足俱動。則來。三四爲門戶。動則  
速至。五爻動。在途。六爻動。在地頭。凡旺動。則來速。  
發動無煞。則來遲。或用爻。或應爻。于門戶上動。行  
人即到。凡動處。亦有吉凶。若動爻尅應。尅用。雖當  
門戶。亦  
有遲滯。

陰官際遇騰蛇。當有還鄉之夢。咸池若臨玄武。恐逢見水之懼。

陽鬼會騰蛇。當有虛驚。陰鬼會騰蛇。當有夜夢。若在內動。此是家人夢。見人回在外動。必行人有還家之夢。其夢決于鬼生旺日。重動已過。交動未來。用爻若加咸池玄武。行人主有外情牽惹不歸。

兄弟動則多費盤纏。官鬼興則不諧同侶。

兄弟若當權旺動。決然多費盤纏。若更化兄弟。不免有兩倍之費。不然有分爭之患。休囚無氣稍輕。元化爲鬼。行李至中途必有變。不可托人。若財化兄弟。或加玄武。多是被入誑騙。兄弟若逢刑剋。無害。若官鬼旺。或兄弟空。必路無伴侶。獨自登程。

更被凶神持尅。須防世墓空亡。若有吉曜來臨。庶免

身遭否塞

若作出行人本名占最忌官鬼白虎大殺動來引世及怕世墓世空自身有疾患難有險若占他人怕鬼傷刑用爻及用爻入墓空亡須防危難若得子孫旺動貴人及解神來相解或日辰刑衝凶神庶免身遭否塞

動爻值退登程復返他鄉應位逢衝觸景方思故里

丁丑丁未壬辰壬戌四者爲退神凡用爻及動爻逢退神行人登途仍復返去若動爻逢空亦作返去斷着在那位爻上空便知何地轉去要知行幾里回去但依生成數推斷生旺倍加死絕減半六爻不動本無歸意若日辰衝動應爻必是都物思歸

勾陳發動若逢位上便淹畱拆殺交重須向途中防

# 跌蹶

勾陳發動必主淹留若在地頭未能起蹶若在五  
爻動半路人留勾陳旺動尅持用爻及應爻行人  
卒急難來折傷煞云折傷四體要君知正月雞棲  
逆向離生怕高枝防跌蹶此爻發動恐顛危謂正  
月從西上逆行也

妻財旺動加玄武則杳絕音書福德興隆遇青龍則  
豐盈財寶

財興尅父玄武動傷朱雀若相併而動主音書杳  
絕望信須看世應中信來兩處起交重他興我靜  
魚傳信我動他安雁絕蹤子孫乃  
福德之神遇青龍則滿載而回

欲詳物數五行妻位興衰要決歸期六合動爻生旺

要知物數。但看財臨五行。旺相多。休囚少。逢生倍加。受尅減半。數目照河圖數取。水一。火二。木三。金四。土五。動爻屬金。期在巳日。并申酉日。可到。餘倣此例。

錦城雖云樂。不如早還家。茆屋未爲貧。但願安樂業。

卜筮全書卷之七

天玄賦

下

○家宅章

要察卦爻內外。可知人宅興衰。

內三爻爲宅。外三爻爲人。宅去尅人。主病患連年。  
擊括多端。人去尅宅。主修居創屋。整舊更新。內卦  
旺。屋宅多。外  
卦旺。人丁夥。

初觀住宅之根基。相連井位。次觀華堂之境界。兼接

竈司。

初爻住宅基址。帶財福吉。井亦相連。初爻屬土。則  
渾濁。水則清冷。盈溢。木則井上有樹。火則泉水常

乾金則沉瑩香潔帶鬼逢空必廢井二爻爲堂屋  
生旺則深沈廣闊無无則窄狹低猥帶青龍龍德  
貴人必新創整齊加白虎刑衝尅害必舊居破敗  
二爻竈亦兼焉生旺則竈修饗開休囚則竈冷無  
烟朱雀帶官定有竈前呪咀  
鬼連白虎須防膿血淋漓

三門若值官爻不離五行分割四戶僮臨鬼殺須加

六獸參詳

三爻爲大門與太歲日辰生合其向大利與太歲  
日辰刑衝其向不吉帶財福青龍吉神動者決主  
門庭清吉人口康寧加官鬼白虎凶神動者多招  
口舌官非連遭惱聒加兄弟者主破耗多端資財  
不聚加父化父者一合兩樣門扇逢刑衝或加破  
軍必有破壞壞已上動者其靜者若三四爻俱衝  
有兩門相穿不生財第四爻爲戶  
即中門帶吉神動吉連凶煞動凶

五爲道路之爻。六爲棟梁之位。

五爻爲路。與世合。則委曲有情。與世衝。則直長帶殺。六爻爲棟梁牆壁。帶青龍。則翩翩整齊。加白虎。則崩頽破敗。

雖辨其中之奧妙。須詳就裏之精微。搜索六爻。總是家庭小事。推明一語。可驚王公大人。月建會青龍。當主婚姻妊喜。喪門加白虎。須憂疾病喪亡。

月建。卽正月建寅之類。與青龍會合。一處發動。主重重喜慶。士夫當加官進祿。庶民則增進錢財。或婚姻產育。無不吉也。喪門加白虎。謂之四利三元。乃凶神。見後凶煞內。若見此爻動者。則有病患連綿。喪亡疊至。種種不祥。自當細審。



朱雀空。則門絕官災。勾陳旺。則戶增田業。

月建朱雀。正月從巳上順行。在內動。主是非口舌。在外加貴人動。主有文書音信之喜。若帶官符官鬼動者。月內必有口舌官事。又云。月建朱雀。卽天燭殺。若與日辰朱雀并動。須防火燭。若朱雀空亡。官事無妨。是非潛伏。火燭消烺。月建勾陳。正月從丑上起順行。帶鬼殺內動。主宅神不安。人眷不寧。在外動。謀事多見遲滯。若臨財爻旺動。尅世。其月內必有增進產業之象。更加日建青龍。必然廣置田園。橫發錢穀。大利田土之事。

玄武須防盜賊。加咸池必有私情。騰蛇本主虛驚。遇陰鬼多生怪夢。

月建玄武。正月從亥上順行。在內動。主有奴婢走失。在外加鬼殺動。主有穿窬割壁之賊。若玄武與

咸池同鄉主陰私淫亂之事。動來合世宅長必不然。不正若臨財爻其妻必淫。若臨父母出處卑賤。或臨福德及第六爻皆主奴僕有陰私之事。若逢生旺其事張揚。或值休囚猶可隱匿。如逢衝散必然被人說破。不復作矣。凡此章皆是非之端。古人所以具述此事者。既造精微之地。不得不言。後學不可以妄談。暗藏胸中。以爲觀人邪正之法。不宜輕洩。月建騰蛇正月從辰上逆行。若動主有牽連事至。遇陰鬼主夜生怪夢。尅世臨世宅宅長夜夢不安。尅應臨應宅宅母夢寐不寧。

### 卦列六十四象怪分一十二宮

六十四卦之中其怪不過十二宮分。子動鼠怪。寅卯申狐狸怪。巳動蛇怪。午動火光怪。酉是雞怪。戌是狗怪。辰丑未是虛響怪。凡怪爻動處逢衝則無害也。

### 推占六爻全憑四季

訣曰。怪爻。季是兩頭居。仲月逢之二五。隨三四。怪爻當孟月。動成駭怪。靜無之。殺神在世。災應實。鬼殺傷身。禍不虛。更被官爻持世上。怕逢衰病。患難除。以上所言怪爻。須憑四季。取季月初爻。六爻動。爲怪。仲月二五爻動。爲怪。孟月三四爻動。爲怪。其餘發動。不可亂言。

既有淺深之辨。奚辭禍福之分。

凡有怪異。亦有淺深。怪淺禍亦淺。怪深禍亦深。禍福于斯可辨。

世在遊魂。常有遷移之意。身居墓庫。終無起離之時。

占宅得遊魂卦。主居處不定。常有遷移之意。占移居。怕見世爻入墓。雖言移。終不能動身。

外卦興隆。徙舍須云大吉。內爻旺相。移居必見災殃。

分。正春。艮旺。震相。巽胎。離沒。坤死。兌囚。乾休。坎廢。立夏。震旺。巽相。離胎。坤沒。兌死。乾囚。坎休。艮廢。立夏。

巽旺離相坤胎兌沒乾死坎囚艮休震廢夏至一離  
 旺坤相兌胎乾沒坎死艮囚震休巽廢立秋坤旺  
 兌相乾胎坎沒艮死震囚巽休離廢秋分兌旺乾  
 相坎胎艮沒震死巽囚離休坤廢立冬乾旺坎相  
 艮胎震沒巽死離囚坤休兌廢冬至坎旺艮相震  
 胎巽沒離死坤囚兌休乾廢以上八卦之休旺凡  
 占移居外卦旺宜遷內卦  
 旺宜守反之者必見災殃

青龍外動宜遷白虎外動宜靜

大抵青龍為吉白虎為凶守  
 舊遷移隨其變動而作趨避

刑害翻成六合  
 挈家去後亨通  
 游魂化入歸魂  
 返舍  
 回來大吉

占移居得三刑六害卦本非吉兆若變得六合卦  
 去後必亨游魂化歸魂必當仍還舊地乃為大吉  
 卷之三 天玄賦下

欲遂遷居之志。須求分燭之鄰。

初爻爲左鄰。後鄰。四爻爲右鄰。前鄰。加財福吉。神必慈祥。憐憐之。家帶鬼煞凶神。乃無籍凶狠之輩。

### ○香火章

欲究治家之本。莫過敬鬼爲先。卦中三爻。總論天神地鬼。其中六獸。可知作福興災。

凡占家宅香火之法。以卦中第三爻爲主。若福德臨之。則家神興旺。以六獸推測鬼神。難以言盡。人率吉神宜發動。凶神宜安靜。

單拆。須辨陰陽衰旺。可推新舊。

鬼爻是單。屬陽。乃天神佛像。或祀典正神。鬼爻見拆。屬陰。必是依草附木。暴死傷亡。投河自縊之鬼。

欲知人家神像新舊如何。但依喪旺推算。自長生至帝旺。皆可言新。自衰至墓絕。必須言舊。但以衰病略舊墓絕最舊。

要察神前之供器更詳。卦內之鬼爻。鬼位逢金。必主香爐破損。官爻遇木。決然牌位崩摧。

欲察供器。但看三爻臨鬼。要更分別五行。自然必中。鬼位逢金。主香爐破碎。鬼爻遇木。主牌位崩摧。鬼爻臨木。神堂上定有漏處。臨火。神位前拱具。必有一件被火燒者。臨土。必主塵埃滿案。無人拂拭。修葺重新。庶幾六神安穩興隆。

### ○六畜章

若問家先內宮看鬼崇奉。百神安妥。自然六畜興隆。

雞鴨元在初爻遇青龍則四時旺盛。猫犬端居二位加白虎則兩件難全。

初爻雞鴨位帶鬼或空亡難為雞鴨加大小耗必有狐狸黃鼠所傷若臨青龍大吉二爻為猫犬寅爻傍動尅戌爻虎傷犬戌爻尅二爻犬傷猫猫爻若加吉殺必善捕鼠殺帶鬼家有惡犬逢空不利旺空有狗無猫有猫無狗不能兩全加白虎必然有傷帶青龍必然旺相。

三四猪羊怕見殺官兄弟五六牛馬喜逢福德妻財

三爻為猪帶子孫妻財必旺帶兄弟猪不長帶官逢空猪有損失帶子孫胎爻其家猪有胎若見申酉二爻動或尅三爻猪決有損失四爻為羊帶財福則旺帶鬼殺則損失逢空無羊胎養臨爻則羊母旺初殺臨爻則羯羊多朱雀臨大殺在兌宮乾宮動羊生躁戶遇青龍動則吉白虎動則凶五爻

爲牛。子孫其家有子母牛。帶胎爻其家牛有胎。凡遇青龍財福則吉。鬼煞白虎則凶。青龍臨爻多是水牛。勾陳臨爻多是黃牛。若五爻帶金鬼主牛夜啼。水鬼敗肚。木鬼脚疼。火鬼因觸熱土鬼時氣發瘡。兄弟化兄弟。與人相合。牛隻旺相。墓庫老牛胎養。小牛六爻爲驢馬。帶財福則吉。帶鬼殺則凶。如子日衝午爻主走熱飲水。火動則無妨。此一爻依生爻斷之。

### 最廉公逢衝須忌分宮受尅

丑爻爲牛。寅爻爲虎。亦作猫。爻斷午爻爲馬。未爻爲羊。酉爻爲雞。戌爻爲狗。亥爻爲猪。以上六畜之本命。怕逢鬼殺大小耗劫刑相尅。又嫌本命空亡。皆主損折。狸傷一云初雞鴨二猫犬三猪四羊五牛六馬及驢騾以上乃分宮也。如本命上卦當看分宮爲主。若吉神動來相生則吉。凶殺動來尅害則凶。更得日辰扶挾亦吉。若日辰刑衝則凶。能依此斷萬無一失。



命逢生旺當別吉凶

生旺若逢本命本為吉兆却看臨財福旺相則吉  
臨鬼殺大小耗則凶反不如不旺凡吉神扶命旺  
處六畜必盛若加鬼殺得是休囚庶幾損折亦輕  
凡遇本命旺臨財福却加大小殺工其上此主孽  
牲雖盛損失亦多得失相半  
之兆不可槩論而斷其吉凶

爻值刑衝須分表裏

分宮若日辰刑衝或動爻刑衝當有吉凶之辨表  
裏之分凡分官會財福青龍若逢刑衝則凶若臨  
鬼殺白虎逢刑衝反吉必主前雖損失以後必然  
旺盛大凡旺處逢衝則損絕處逢衝則散空處逢  
衝則  
不空

六獸可知顏色斟酌相尅相生八宮細論身形定奪

# 居中居外。

欲知顏色。不過是猪犬牛馬。凡遇六神所臨。六爻安靜。別無衝破。但言一樣顏色。若動相。生相。尅。方。可。言。襍。色。假。如。玄。武。臨。用。爻。被。白。虎。動。來。尅。此。乃。黑。白。相。間。玄。武。旺。則。黑。多。白。虎。衰。則。白。少。兩。爻。衰。旺。相。尅。亦。白。相。半。且。如。青。龍。臨。用。爻。白。虎。動。來。尅。又。加。勾。陳。動。來。生。此。乃。三。色。花。黃。白。黑。相。間。卽。玳。瑁。色。乾。首。坤。腹。離。目。坎。耳。兌。口。及。尾。艮。前。足。震。後。足。巽。腰。凡。用。爻。臨。玄。武。在。乾。象。更。無。別。爻。相。尅。相。生。乃。是。通。身。黑。色。若。逢。坤。象。白。虎。動。來。生。尅。必。是。黑。頭。白。腹。若。遇。休。囚。其。白。少。若。逢。生。旺。通。腹。白。又。如。勾。陳。臨。用。爻。在。坤。象。被。震。宮。或。艮。宮。白。虎。動。來。相。尅。乃。黃。身。白。脚。震。言。前。脚。艮。言。後。脚。已。上。略。舉。一。二。以。爲。法。其。餘。分。宮。倣。此。推。詳。凡。占。須。以。用。爻。所。臨。爲。本。身。顏。色。若。遇。別。爻。衝。尅。及。生。扶。方。可。看。其。在。脚。言。脚。在。腰。言。腰。

○田蠶章

家有千鍾皆出田中之玉粒。庫藏百寶安如筐內之銀絲。先言農力之勤勞。熟稻豈幸于八月。次論育蠶之節目。植桑不負于三春。

凡占農田。以世爲田。以應爲天。應爻臨水生世。及加青龍玄武。武生合世爻。豐稔之歲可卜矣。若見應加朱雀動尅世爻。田禾必損。或世臨勾陳動尅應爻。主缺水。若應爻相合比和。看卦中何爻發動。水動生尅世吉。火動生尅世凶。內卦爲蠶。外卦爲養蠶。人內生外吉。外尅內凶。內生旺。蠶旺。外興隆。人多。內外相生吉。相尅凶。凡占須要巳午上卦爲吉。巳午發動。乃大吉。艮卦離卦大吉。坎卦兌卦大凶。逢四五月。卦大吉。

剖分內外三爻。總合農桑二事。

凡占農。以初爻爲種。二爻爲秧。三爻爲人力。四爻爲牛。五爻爲天。六爻爲水。若占蠶桑。以初爻爲種。二爲苗。三爲人。四爲桑。五爲箔。六爲繭。以上六爻旺相者吉。休囚庫墓者凶。若逢大殺大耗小耗。皆爲凶兆。

二卦遭逢鬼殺。可謂全凶。五行弗遇官爻。方爲大吉。

農田若見鬼在初爻。種不對。或不萌。鬼在二爻。必欠秧。鬼在三爻。農力不到。若加凶殺。田夫有病。鬼在四爻。欠牛力。或牛有損。空亡無牛。鬼化兄。或兄化鬼。與人合牛。工作不利。鬼在五爻。天意不順。鬼在六爻。必缺水。占蠶。娘在初爻。種不出。在二爻。出後不能旺盛。在三爻。蠶娘有病。在四爻。葉必貴。在五爻。上箔有損。在六爻。財微薄。必無好蠶。亦無好絲。六爻無鬼。田蠶自然興旺。凡遇鬼爻。須看五行。

所屬及觀衰壯動靜。鬼爻屬金發動持尅世爻主  
蝗蟲之災。水火爻動帶鬼任霖損稼。火鬼必主亢旱。  
土鬼里社與災占蠶水鬼防鼠耗木鬼二眼有傷。  
金鬼多白殭其年喫葉多。火鬼頭黃殼不生。土鬼  
蠶沙發  
熱蒸傷

陰陽相半須加四獸叅詳財福俱全更互六神推究

田蠶皆宜陰陽相和水火相半庶能昌盛純陰不  
生純陽不化陰陽交合然後萬物生凡占得陰陽  
相半外陰內陽內外相生大吉之兆占蠶須看六  
神持尅倉屏云青龍旺相入財福春蠶盈盈滿筐  
簇管取竿頭白雪香會看箱內銀絲足朱雀旺相  
入兄弟必定桑柰食不濟若當離象動凶神蠶室  
須防火災至勾陳帶鬼多黃死若遇財爻黃繭多  
卦中發動并遲滯若值凶神可奈何螣蛇水鬼害  
頭蠶正要烘時却受寒縱得絲來筐篋內明白稀  
絲也應難自處若臨財福中筮中多是白頭公更

兄弟交重惡急急祈求一半空玄武若臨咸池  
動多是女人帶厭來急急求蠶福來扶救庶免春蠶  
目下災丑蠶皆以財爻為主生旺全收無恙半收  
空亡大折鬼空財旺必稱心有鬼無財主大損遇  
子孫持世旺六  
爻有鬼亦無妨

興衰得位方能保其豐穰動靜有常庶可明其得失

凡占先看空亡次看財鬼衰旺若鬼財衰荒歉之  
徵財旺鬼衰豐稔可卜田蠶二卦相去不遠其中  
所主各有分辨占田以世為主水火不可相勝水  
動生世春有滋膏夏多時雨水旺尅世淫淋不止  
巨浸飄泊卦中有水火爻生世水火既濟豐登可  
擬占蠶以巳午爲蠶命發動旺相皆大吉之象旁  
爻動來生有利  
尅主有大損

○兩暘章

既言地利之廣博。必假天時以發榮。若問陰晴。全憑

水火。

若占晴雨。水火二爻。乃一卦之主宰。六爻無水。必無雨。六爻無火。不開晴。若見水爻動。來尅世。驟雨。忽然至。生世。乃細雨。又云。水爻旺動。是驟雨。無炁。是細雨。若水動。土亦動。雖雨亦無多。卦中雖有水。若逢土動。決是無雨。只是雨意。若水化水。冬可言水雪。若火動。尅世。必遭亢旱。若水火兼動。乃雨順風調之象。水化火。驟雨晴明。火化水。晴天變雨。六爻無水火。逢空。不晴。不雨。陰天氣。故曰。若問陰晴。全憑水火。

動靜生尅。測天上之風雲。旺相休囚。決人間之禍福。

萬屏云。世爲地。應爲天。應尅世。無雨。世尅應。大雨。動則急。靜則緩。初爻旺。濃雲密布。無炁。淡烟薄霧。

二旺飛電揚光無炁雲中虛閃三旺大風捲屋無  
炁布煖微風四旺轟雷大震無炁隱隱輕雷五旺  
房沱大雨無炁細雨沾濡占晴初旺天雖晴雲尚  
密無炁薄雲將散二旺草綴露珠無炁微施薄露  
三旺朝霞散漫無炁日落霞明四旺長虹截雨無  
炁半掃浮雲五旺大明中照無炁日色淡泊五爻  
屬陰旺月轉水輪  
無炁如紗罩鏡

三衝六位佇看掣電騰空四尅五爻會見長虹貫日

三爻動尅初爻風捲殘雲散九霄三爻動生初爻  
風送濃雲六合包二四爻相生電掣雷轟盡嘖驚  
三六爻相衝驟雨傾盆攪六龍卦中遇晴却是初  
爻動生二爻或二爻動尅初爻必主雲散霧收五  
爻動生三爻或合三爻日照霞明四爻尅五爻長  
虹貫日五爻屬陰被初爻動來尅月當明也被雲  
遮略舉大綱  
餘當推究



推究六神際會須知五屬叅詳。

青龍臨水動甘雨卽沾濡若值木爻動陰雲亦不舒朱雀入火動必然啓大明飛入土爻發雲中光射人勾陳臨土動陰霧接天涯若遇卯辰動光中雲漸開騰蛇申酉動掣電走金蛇縱使天無雨陰雲盡日遮白虎臨木動須防折木風走入坎宮發滔滔水接空玄武臨水動連朝雨不休更值鬼爻發陰雲暗九州。

卦值六衝雲雖凝而復散爻逢六合雨未至而可期。

卦值純陽并六衝雨未可望雲烟縱合亦必解散若陰化爲陽雖有雲意而雨不至縱有亦少凡占水爻雖動被日辰并衝動爻刑害雖雨亦微水爻安靜見衝則有雨凡遇陰陽相半故能六合更看水爻有否雨雖未至可以預期若陽變爲陰雖靜亦當變雨縱有火動亦無久晴若遇純陰卦靜則

有雨動則生陽雨未可望水動則  
可許加大殺白虎則有暴雨而至

但逢雨順及風調自然民安而國泰

○國朝章

五爻爲天子近親賢而遠去奸邪

凡古國家以本宮爲國世爲君又云五爻爲天子  
若帶財福青龍貴人者仁君也臨太歲月建勾陳  
者威震天下守正之君加大殺白虎暴虐之君帶  
咸池淫亂之君加劫殺居位不久若與吉神相生  
相合必能親近賢者若吉神來尅必有賢臣相輔  
若動尅凶神必能遠小人去奸邪或與凶殺相生  
相合及凶殺動來相尅輔相不得其人皆  
奸佞相輔君爻縱遇吉神亦不能去奸佞

四位列公侯上忠君而下安黎庶

三公九卿之位皆在四爻。若臨吉神旺相尅世乃  
是敢言敢諫社稷之臣也。若加鬼殺旺相尅世乃  
是欺君僭上昧主把權之輩也。若世值吉神庶無  
大害。四爻若與世相生阿諛之臣也。縱帶吉神亦  
不能規君之過。正君之失。帶凶神亦不能害君之  
正。喪君之德。四爻動生初爻必有憂民之心。初爻  
生四爻民有仰慕之意。四爻加凶殺尅初爻民受  
無辜之害。初爻動尅四爻民視之如仇仇。四爻生  
合二爻必能招賢納士。二爻生四爻士有景羨之  
心。四爻生尅三爻必能任用百官進賢退不肖以  
上細心詳察無不應驗。

子孫臨大殺秦扶蘇中趙相之謀君位合咸池唐玄

宗受楊妃之禍

古國家以子孫爲國嗣若得日長扶合或動爻相  
生或臨月建旺相及加青龍貴人者若東宮已立

他日擬登寶位。更無改易。子孫若帶咸池。非正宮所生。福德臨劫。殺大殺。恐有變易。更被四爻傷。尅必有趙高謀扶蘇之事。卦無子孫。無國嗣。此爻與五爻。若帶咸池。玄武上。必荒淫。卦有咸池。即被君爻相尅。雖有西施之美。無害于國政。應爻加咸池。飛入五爻。旺相。又兼世爻空亡。必有武氏亂唐之患。後必當見女主治天下。若加吉神。天下庶幾平定。更帶凶神。四海必亂。君位若合咸池。帶殺旺相。必有女禍。如唐皇之于楊貴妃故事也。

福神尅世。重觀折檻之朱雲。將曜加刑。再覩登壇之韓信。

子孫發動。傷尅世爻。主有直臣奏事。頗類朱雲折檻之風。若與日辰相生合。上必允其奏。與日辰刑衝。龍顏大怒。終遭貶責。子孫臨太歲。月建動。尅四爻。而生五爻。子孫旺日。必有御史劾權臣。四爻鬼

殺旺相不受尅。須防有變。寅午戌午是將星。巳酉丑酉是將星。申子辰子是將星。亥卯未卯是將星。若將加白虎羊刃生世。必得強將。將星若帶貴人青龍生世。當得忠良之將。將星若加劫殺動來尅世。須防弑君之禍。此爻將星名爲刺客。以上三節皆在旺相年月日可見也。

# 金爻帶鬼。一方有兵革之興。土位逢凶。四海盡干戈之難。

大殺若臨金鬼旺動。必興兵革。世尅庶無大事。尅世必凶。若土鬼帶殺發動旺相。四海皆亂。尅世必有攻城之賊。卦中有殺無鬼。尅世亦凶。有鬼無殺。雖凶弗咎。有神制殺。鬼動無妨。鬼位休囚。財興有害。鬼空殺旺。縱亂無成。鬼旺殺空。雖凶無害。若鬼帶劫殺。或化爲兄弟。無過是劫財之賊。若加玄武是陰私暗害之賊。卦中蛇虎不動。縱有大殺。不爲急迫。若併官鬼惡殺動。實爲大害。卽以生旺尅害。

何方方可決斷

以遏寇賊全憑將帥專征要決輸贏先察世辰相尅

以世爲我將應爲彼帥又云以子孫爲我將及先鋒子孫得地旺相將軍必勝若加青龍乃忠良之將若加白虎乃勇悍威猛之將若得持世雖有鬼亦無傷害若得旺相發動決勝千里更日辰扶拱有百戰百勝之功所嫌者父母發動雖有子孫不可當其鋒若入墓無氣雖動無傷凡專征伐以世爲我應爲彼世尅應我勝應尅世彼勝世墓只宜堅壁自守不可妄動若世旺相應入墓彼必折人丁世空我有難應空彼有傷世在陰宮不宜先動世在陽象不利後興世動尅應我必進應動尅世他欲來鬼尅尅世他勝我鬼尅尅應他欲退鬼持世須防圍困金火持世應兩家流血交征世應比和皆旺相此兩強敵手勝敗未可決但以所長斷之世應相生相合將帥有允和之心士卒無攻戰

之意

妻財發動。當成易幟之功。兄弟交重。須禦奪糧之患。

父母爲旗幟。旺相發動。必然興兵。若在內動。我欲與兵。外動。他行軍馬。尅世欲來侵我。尅應乃回頭之旗幟。他必自退。凡父母不動。妻財動。當有奪旗易幟之事。財在內動。尅外之父母。我必奪彼之旗。妻財外動。尅內之父母。彼將奪我旂旆。財爲糧草。卦若無財。必絕糧。財空。糧欲缺。財無。悉糧不多。財動。送糧與賊。若兄弟交重。須防切糧奪草。

聽轟雷之戰鼓。金爻發動逢空。看如雨之砲磚。土位交重逢旺。

土爲砲石。旺相臨。未上發動。方可言之。若帶大殺。必遭傷害。如遇退神。須防自損。金空則鳴。動處逢

衝愈鳴。若發動必。然金鼓轟雷。須防戰鬪。金爻發動。不空亡。刀刃森明。似雪內動。我器械備具。外動。彼之兵刃。整齊。金爻發動。逢刑尅。兵甲雖堅。不損人。金爻無炁。逢刑尅。甲冑干戈。不整齊。以上細摻求。自然有準。

### 木乃濟川之舟楫。火爲繫馬之軍營。

征戰不免登山涉水。若無舟船之便。五月安可渡。瀘。凡占以木爲舟楫。發動旺相。必有濟川之利。木爻受衝。舟必破漏。木爻受尅。船車難行。卦無水爻。恐無水。木爻逢空。必無船。木爻帶鬼。乃賊船。凡戰于野。不免安營下寨。雖處山谷之險。亦宜卜其吉凶。凡占以世爲主將。火爻爲營寨。與世爻相生相合。其地得利。與世爻相尅相衝。不吉。火爻若帶鬼賊。寨必相近。火爻旺相。宜寬闊。無炁。宜小結構。蒼屏云。水爻帶鬼來尅我。須防劫寨。及攻營。却看有炁。并無炁。方可測量。道敗。贏。假如火爻旺相。水無



炁縱來尅  
世亦無傷

父加虎殺外興。莫縱軍兵來出陣。鬼帶劫亡內動。須防奸細暗臨城。

子孫爲我兵卒。官鬼爲彼賊徒。子衰兵卒怯。鬼旺賊軍強。鬼空他必滅。子旺我必昌。怕父母帶白虎外動。必尅子孫。宜守不宜戰。戰則必傷軍卒。父母若持世動。主將不能養士卒。上下有相離。心未相安之道。若帶凶神。須防自變。亡神殺。正月從亥起順行。劫殺見後。若鬼帶二殺。于內動。須防奸細之人在城池之內。若被世尅。須探事情。不至漏洩。世爻無炁。鬼殺旺。軍機透漏。禍終來。內外鬼爻俱發。動尅世。必有內應。外合之患。子動必無妨。鬼爻不帶殺。爲害亦不凶。

若逢暗動傷身。須遇陰謀刺客。

凡鬼爻暗動。更加劫殺大殺刑。冠世爻主將須防。刺客卦內。若得子孫發動。來救刺客。決然被擒。比同燕太子丹使荆軻刺秦之類。若日辰衝動。伏鬼傷飛爻。須防自己手下有人謀已。卦中無救。禍將及身。鬼旺日。決見應驗也。

虎蛇皆動。正當離亂之時。世應俱空。宜見昇平之樂。

大殺若動。加白虎螣蛇。必是大亂。卒難休息。大殺若當胎養長生位上。乃喪亂發萌之時。若在臨官帝旺之地。正當大亂過此漸息。若當墓絕位上。將次太平。離亂已經歷過。要知何年離亂最甚。何年稍息。依長生法斷之。六爻無鬼卦無殺。世應俱空。卽太平。

### ○疾病章

國家治亂。莫非風俗紀綱。人壽天長。豈論疴羸壯盛。

養生非道終有疾病存焉。請禱能占便見死生決矣。  
殺臨父母當憂堂上之親空及妻財災慮閨中之婦。

凡占疾病看來者何人子占父母要父母上卦妻  
占夫看鬼夫占妻看財父占子看子占兄弟看兄  
弟占朋友亦看兄弟占奴僕亦看子孫凡用爻不  
上卦或空亡者則多凶少吉凡占何爻空亡何爻  
受尅吉凶依此而斷之。

決輕重存亡之兆專察鬼爻定金木水火之鄉可分  
證候。

鬼爻旺日沉重庫日困迫絕日輕可鬼化鬼其病  
進退或有變症或舊病發或症候駁雜鬼持世病  
難持根鬼爻帶殺持世此乃瘵疾卦中鬼爻日辰  
旺乃暴病月建旺乃經月之疾鬼爻無氣臨身者

乃久病卒難痊可。卦中無鬼病難安。鬼動傷身症。候急。凡占旺鬼不死。則易愈。衰鬼不死。其病難療。欲定症候。須看鬼臨之五行。若金鬼肺病。咳嗽。氣。或瘡癰血光。或筋骨疼痛。木鬼四肢不利。風氣。肝膽左癱右瘓。口眼喎斜。頭疼發熱。三焦口渴。加朱雀。狂言亂語。陽症傷寒。水鬼沉寒痼冷。遺精白濁。小便淋瀝。吐瀉嘔逆。火鬼寒熱往來。脾寒瘧疾。土鬼乃脾胃發瘴。水腫虛浮。瘟疫時氣。若前卦火鬼。後卦水鬼。必前之症候。爲陽服冷藥過多。變爲陰證。若午前占遇此兩鬼。當言勿服藥。過當後必有變化。火鬼于火旺月日占是也。

### 青龍得位終見安康。白虎傷身必成凶咎

青龍若臨子孫尅世。期日痊安。或臨應尅世。服藥有效。若臨用爻發動。縱有凶險。亦不傷也。若帶鬼爻。亦非凶惡發狂之病。若在三爻動。香火爲福。蒼屏云。青龍空亡并福德。病人平日無陰陽。若逢土

動虎傷身。管取其年有悲泣。君來占病。決存亡。白  
虎加臨主哭喪。臨尅父。父當有咎。并財妻位必遭  
傷。子孫際會終成否。兄弟相逢更不昌。更值官爻  
持世上。已身須恐有災殃。凡遇白虎交重。乃占病  
之大咎。無恙猶可。旺相大凶。若臨喪門。吊客死符  
喪車持尅。用爻者。決主不起之兆。若得子孫旺動  
月解興隆。  
庶可回生。

月解交重災漸退。天醫發動便回生。

月解見後吉。神章內。天醫亦見後。卦中若得發動  
持世。或持尅用爻者。雖重病不死。旺相最吉。目下  
卽愈。墓絕稍慢。直待旺日  
方安。若值空亡。其病難療。

明夷觀賁需臨。切忌世身入墓。大畜豐同蠱夬。莫逢  
財鬼俱興。

凡占病怕身世隨鬼入墓。決不瘥也。且如風地。二爻乙巳。鬼身亦在二爻。設或入墓。乃隨鬼入墓也。山火賁卦。初爻巳卯。鬼世亦在初爻。倘入墓。乃世隨鬼入墓也。以上四卦。舉此爲例。餘卦倣此。若屏云。乾化入艮。父憂喪。坤化入巽。母憂亡。震化入坤。長男厄。巽化入坤。長女當。坎化入巽。中男厄。離化入乾。中女卒。艮化入風。內少男傾。兌化入山。中少女卒。此是人宮來入墓。十人得病。九人故。以上所言卦墓。不可以乾化入墓。艮止。憂父亡。但看病皆不吉。設若子占父。遇乾化入艮。謂之應題。乃大凶。大畜等六卦。占病大忌。財鬼不動。未必喪亡。財鬼空亡。雖病弗死。必須把其條貫。方可斷曰全凶。上文所言財鬼發動。亦有吉凶之分。且如雷火豐卦。鬼動忌占兄弟。財動忌占父母及本身。妻占夫。終無凶。餘卦倣此。

男怕長生兼怕未來之節。女嫌沐浴最嫌過去之辰。

男子怕鬼。爻長生日得病。與鬼同衰旺。卦無子孫。  
青龍天鑒發動。鬼爻墓絕日却死。又云寅日遇火  
鬼巳日遇金鬼申日水土鬼亥日木鬼。謂之長生  
鬼。占者遇之大凶。在後沉重方來。凡決安危。先以  
鬼爻衰旺推斷。次以節氣論之。凡男怕未節近節  
必重。過節無傷。節前不重者必無妨。若是久病。當  
以四時節候論之。且如木鬼忌秋間節氣。遇節不  
重。過節必安。女人最忌鬼爻沐浴日得病。又云卯  
日遇火鬼。午日遇金鬼。酉日遇水土鬼。子日遇木  
鬼。謂之沐浴鬼。遇之難痊。至後反加沉重。次看節  
後必重。不重無傷。女人極怕過後之節。

### 不宜丘墓同宮。安可雷風合卦。

三丘五墓俱見。後二殺俱動。病人作福也。難留。雷  
風者。棺槨殺也。震爲棺。巽爲槨。坤爲墓。艮爲塚。占  
病。若全必死。

既論染災之表裏須言得病之因由

凡占病先斷症候端的然後議論病因更能明此一章誠可謂通神之卜矣

六獸臨官當分內外八宮值鬼宜別陰陽

但逢鬼臨六神看何爻在內則在家得病在外則他處招殃青龍鬼是酒色過度或因財有傷婦人因喜有疾青龍鬼空墮胎有患朱雀鬼口舌及呪咀在二爻龍下呪咀在三爻當門呪咀或家堂神前呪咀如朱雀臨金鬼動敲銅鑼呪咀勾陳鬼飲食不節傷飢失飽脾胃不調臨木鬼因修造動土處得病騰蛇鬼事務繁心憂思慮或虛驚怪異因而染病此爻多是心家受病白虎鬼鬪毆跌撲傷筋損骨或寒酸冲肺玄武鬼色欲過度傷飢冒雨卦若無鬼其病難鑒證候難決但以尅殺動者斷之不動以尅用爻者斷又以伏鬼斷若鬼伏父母下憂心得病或穿衣服得病過與不及冬言



衣單夏言衣重鬼伏兄弟下賭博爭財鬼伏子孫  
下外情牽惹鬼伏財下飲食太過鬼伏殺下舊病  
再發亦難除根老人卦忌生旺小兒卦忌休囚最  
用病人本命上卦大吉也值陰鬼夜重日輕陽鬼  
夜輕日重陰陽各依爻上看世人有疾病者亦有  
賢愚之分賢者以醫藥爲重愚者以祈禱爲先占  
者不可不察其情狀一覽其人可知高下庶幾賢  
愚皆可共語其道方能流行鬼神者儒家本不言  
此今爲患者之占不得不據理推詳以爲陰功默  
祐木主東嶽天齊聖帝七十二司三十六案之神  
并自吊傷亡水是河泊水府沿江七十二廟之神  
并溺水傷亡土是瘟瘟疫厲中央土府之神并飢  
餓絕食傷亡金是銜刀五道飛廉白虎金神七殺  
吟呻三殺九良星殺喪殃喪殺之神并自刎被刑  
陣亡一應傷亡火是南方火部赤睛朱髮鶴神毛  
頭毒火之神并赴湯蹈火傷亡若二爻鬼爲竈神  
三爻鬼爲香火神子孫動爲  
福神依此推之萬無一失

外尅飛爻藥奏通神之效子臨應位醫逢濟世之本

世爲病人應及外卦爲醫藥藥如尅病病卽愈病者尅藥藥無靈外卦及應生世藥雖對症作效選世動尅藥若是水鬼服藥不納金鬼無恙久病犯眞服藥無效木鬼其病必犯條貫雖藥亦無益火鬼旺相其症必剛雖藥不能止其熱土鬼其病沉重藥不對症不能療病應爻加鬼尅世則悞藥損人矣占病以子孫爲醫藥臨應動尅世必遇良醫其病卽痊卦無子孫服藥無效世應比和卦無子孫宜換醫人子孫臨應被世尅雖遇良醫病不瘳外卦及應雖尅世卦無福德亦難安可言有藥須嘗藥但恐良醫未有緣子孫雖尅世外爻及應却不尅雖有良醫藥餌不中終無大害虎殺若臨子孫動須防醫者不精詳

必須參究五行方可攻醫萬病

火鬼宜涼劑。水鬼宜溫劑。或丸藥。木鬼宜針。金鬼宜灸。土鬼宜剉散。火鬼月建旺宜大寒之劑。無炁不過清涼之藥。餘倣此推。金鬼利南方。木鬼利西方。水鬼利北方。火鬼利東方。土鬼利西方。醫人若前卦水鬼。後火鬼。先須四散醫治。終于北方醫人收功。

卦爻安靜重爲濟世之人。土殺俱興定作黃泉之客。

凡占病六爻安靜爲吉。其病可治。一卦中凶殺常多而吉神常少。吉凶悔吝皆出乎動。動則成咎。且如六親之中。不過子孫動者吉。六神之中。不過青龍動者吉。餘者未必皆凶。亦不能爲福。發動何益于我哉。此乃吉少凶多。不如卦爻安靜。雖有凶煞終未遭傷。若有吉神當權。自能爲福。土殺者。卽辰戌丑未是。交相換易。行乎四時之間。占病逢之多凶少吉。所有諸煞俱見。後凶殺章內。若有一件動便成。

○地理章

生死稟修于前定。壽夭各盡其天年。陰陽蔭庇于後人。理義合憑其地理。

天地之間純陰不生純陽不化一陰一陽二氣交感先生萬物且如天欲降生人才必假地之氣蔭庇陰陽融結必有賢者出故凡人子須當以親之體安居得所則亡者安而生者庇

凡占風水漫求玄妙與玄微且把卦爻端詳是地不是地六合則風藏氣聚六衝則水走沙飛

夫六合者陰陽相配而不相離初四二五三六更相朝顧是為有情凡地理不過由環水抱四獸朝迎揖衛有情羅城無缺似此卦中六合之義也大吉之地若卦無六合世在內象四獸有情者乃次

吉之地也。世爻雖在外象，却得賓主有情。左有回顧，明堂寬廣，水口關關，乃小結局，亦可用也。若遇六衝卦，乃山飛水走之地，不必更詳。

### 龍因地勢詳觀，即得天玄妙理

此二句乃一章之要旨

入山尋水口，不宜六位空亡。到穴看明堂，喜見間爻

### 旺相

第六爻爲水口，與世相生相合，是爲有情。若加青龍貴人財福者，水口重重關鎖，必有奇峰秀嶺拱照迴環。若第六爻與世相尅相衝，山直無情，地枯無炁。六爻若值空亡，水口散漫，不能聚炁，間爻者，世應中之二爻也。旺相臨月建，謂之萬馬明堂。有云：明堂容萬騎，水口不通風，大吉之地。明堂聚水

所聚宜靜不宜動靜則聚窩動則傾瀉若水帶吉神生尅間爻乃四水入明堂也

世乃主山之骨當明九曜之規模應爲賓對之峰須

### 察五行之定體

世爲坐下之山又云初爻二爻爲坐山生旺坐山高厚休廢空亡坐山微薄世持巳亥寅申必定山雄地壯世持辰戌丑未必居廣闊平洋世持亥子穴中出水世持辰巳帶殺主有地風白虎帶殺逢空主有白蟻若臨諸吉神則坐山尊嚴穴中潔淨屬木必林茂屬水必近流泉當類而推之也九曜詳婚姻章內旺相則吉案山帶子孫貴人旺相其山聳拔秀麗若生世合世端正有情空亡向山不正帶殺逢衝乃欹斜破相之山若應臨墓絕必是案山低小應若屬金卽言金星屬水卽言水星之類是也

向列二十四位事分百千萬端。

木爻持世主東震寅卯乙金爻持世主西兌申  
庚酉辛火爻持世主南離午丙丁水爻持世主  
北坎亥癸壬辰戌丑未  
却言艮乾巽坤各有所宜。

發動青龍尅世須防嫉主剛強白虎逢衝切忌昂頭。

山間之龍虎卽卦中之龍虎青龍雖吉亦忌尅世  
相生乃妙白虎太旺便是昂首剛強皆爲不吉。

青龍斷左畔之峰白虎言右邊之嶂所喜者相生相  
合所忌者相尅相衝。

青龍旺帶木主林木葱蔚帶土則山嶺崔巍其秀  
氣從左而來白虎盛臨水主流泉派遠加金則巖  
石峭壁其秀氣從右而至  
皆喜其相生最忌其相尅。

鬼在局中。必有伏屍古墓。空臨左右。豈無凹缺招

若世下有本宮官鬼伏藏。必有舊穴在下。左右者。龍與虎也。若見何爻空亡。便知有凹缺招風之處。主墓穴不安。爲不吉也。

勾陳若在世中。一路來龍振起。朱雀加臨應上。兩重對案相迎。

勾陳乃龍之祖。若在木爻。或臨世上。來龍必遠也。朱雀爲案山。若臨應上。必有兩重對案。

若問騰蛇。當爲穴法。旺相與吉神共位。乃是真龍。空亡或墓絕同鄉。當爲絕穴。

卦中以騰蛇爲穴。旺相爲真龍。休囚爲絕穴。



論山既備于水合言。尋亥子。方知有無。觀動靜。可分死活。

卦中無亥子。必無池塘溪澗。雖有水爻。却逢墓絕。乃是乾流之地。但看水爻動者活水。靜者死水而已。

要識根源遠近。但看水位興衰。欲推纏繞多情。且察水爻生合。

水爻旺相流派綿長。水位休囚。根源淺近。水爻相生相合。主委曲有情。若相尅相衝。主直來無忌。

若見卦無水位。便當推究玄爻。

倘六爻無水。竟將玄武爻推看。

遇吉則吉逢凶則凶。

玄武臨吉神。是水干我有益有情。  
大吉。若臨凶殺。則無益無炁主凶。

卜筮全書卷之七